

植物名實圖考

十

植物名實圖考卷之十

固始吳其濬著

蒙自陸應穀校刊

山草

山馬蝗

和血丹

卽胡枝子

小槐花

無名一種

白鮮皮

土常山

四種

黎辣根

野南瓜

釘地黃

一圖

美人嬌

細米條

山胡椒

干筋拔

青莢葉

山豆根

陰行草

九頭獅子草

杜根藤

省頭草

葉下紅

闔骨草

地麻風

赤脛散

落地梅

野百合

冬蟲夏草

野雞草

野辟汗草

茶條樹

無名二種

小丹參

勁枝丹參

滇白前

滇龍膽草

甜遠志

滇銀柴胡

滇黃精

蘄棍

面來刺

小二仙草

土升麻

鮎魚鬚

抱雞母

一掃光

大二仙草

元寶草

海風絲

還魂丹

四方麻

山馬蝗

山馬蝗

山草卷之十



山馬蝗

山馬蝗產長沙山阜獨根有短鬚褐莖多叉每枝三葉葉微似
竹面青背白疏紋無齒葉間發小莖開紫白小花如粟俚醫以
治瘰此草與小槐花枝葉相類唯莖團團結角似蛾眉豆而
扁小有雙角連生者亦黏人衣葉老則漸圓與豆葉無異紋亦
澀亂



和血丹 卽胡枝子

和血丹生長沙山坡獨莖小科一枝三葉面青黃背粉白有微毛似豆葉而長莖方有稜赭黑色直根四出有細鬚俚醫以爲破血之藥 按救荒本草胡枝子俗名隨軍茶生平澤中有二種葉形有大小大葉者類黑豆葉小葉者莖類薯草葉似苜蓿葉而長大花色有紫白結子如粟粒大氣味與槐相類性溫採子微舂卽成米先用冷水淘淨復以滾水湯三五次去水下鍋或作粥或作炊飯皆可食加野菘豆味尤佳及採嫩葉蒸晒爲茶煮飲亦可此卽是葉似黑豆葉者其氣味頗似茶葉北地茶

少故凡似茶者皆蓄之南土則多供樵新採摘所不及矣

巨刃，子白，形

小槐花


可

山草卷之十



小槐花

小槐花江西田野有之細莖發枝一枝三葉如豆葉而尖長秋結豆莢細如菘豆而有毛茸葉畧似山馬蝗而結角不同



生嶽麓獨莖參差生葉三葉攢聚葉似胡頹子葉微小
面深綠背白皆有微毛梢頭發叉開小白花似蛾眉豆花黃鬚

點點



白鮮皮

白鮮皮生長沙山坡叢生赭莖莖多斜刺交互極密嫩莖青綠長葉排生如葫蘆而有細齒葉上亦有暗刺甚澀面緣背青白俚醫以散痰氣行筋骨 按形狀與本草白鮮皮異別是一種



土常山

土常山江西多有之形狀頗似黃荊唯每枝三葉葉寬有大齒氣味辛烈如椒俚醫云閩中負販者口含此葉行半日不渴且能辟暑蓋其氣味辛苦能通竅散熱生津降氣故有殊功



上常山

上常山江西廬山麻姑山皆有之叢生綠莖圓節長葉相對深
齒粗紋夏時莖梢開四圓瓣白花花落結子如黃粟米纍纍滿
枝俚醫以治跌打形狀主治俱與圖經異

植物名實圖考

十常山

九

山草卷之十



土常山

土常山長沙山坡有之赭根有鬚根莖一色有節對節生葉葉

如榆面青背白背紋亦赭春開葉際開小花如木樨色黃白無

香俚醫以治濕熱



土常山

土常山長沙山阜有之細莖微赭兩葉相當葉如桑葉有鋸齒
夏間開小黃花微似苦蕒 按宋圖經常山有如茗葉者有如
楸葉者又天台土常山苗葉極甘木不一類今俗以常山爲治
瘡要藥凡可止瘡者皆以常山名之故有數種

黎辣根

上

山草卷之十



黎辣根

黎辣根生長沙山岡叢生小科赭黑細莖長葉光硬本狹末寬有尖面濃綠背淡有赭紋近莖黑根圓大細尾長五六寸俚醫用以殺蟲敗毒秋結實生青熟黑味甜可食



野南瓜

野南瓜一名算盤子一名柿子椒撫建贛南長沙山坡皆有之
高尺餘葉附莖對生如槐檀葉微厚硬莖下開四出小黃花結
實如南瓜形小於臆苾秋後迸裂子綴殼上如丹珠土人取莖
及根治痢證煎水和白糖服之亦能利濕破血





釘地黃

釘地黃生長沙嶽麓一名貢檀兜一名降痰王黑莖小樹葉似
女貞葉而不光澤春開五瓣小白花白鬚茸茸繁密如雪根長
二尺餘赭黃堅勁俚醫以治痰火清毒



美人嬌

美人嬌生長沙山阜叢生小木赭莖細勁參差生葉葉如榆葉深齒如鋸俚醫以爲散淤血治無名種毒之藥其名不可究詰本草綱目九仙子亦名仙女嬌俗語固多如是



細米條

細米條江西撫建有之赭莖如荊橫生枝杈排生密葉葉微似地棠葉葉間開小黃花畧似烏藥俚醫搗敷腫毒一名水麻



山胡椒

山胡椒長沙山坡有之高二三尺黑莖細勁葉大如茉莉花葉而不光潤面青背白赭紋細碎九月間結實如椒



千筋拔

千筋拔產湖南嶽麓江西南安亦有之叢生高二尺許圓莖淡綠節間微紅附莖參差生小枝一枝三葉長幾二寸寬四五分面背淡綠皺紋極細夏間就莖發苞攢密如球開紫花獨根外黃內白直靱無鬚長至尺餘俚醫以補氣血助陽道亦呼土黃雞南安呼金雞落地皆以其三葉下垂如雞距云

青莢葉

七

山草卷之十



青莢葉

青莢葉一名陰證藥又名大部參產寶慶山阜高以青莖有
斑點短杖長葉粗紋細齒厚韌微澀每葉上結實二粒生青老
黑頗爲詭異俚醫以治陰寒病



山豆根

山豆根生長沙山中矮科硬莖莖根黑褐根梢微白長葉光潤如木犀而韌柔微齒圓長有齒處邊厚如卷梢端結青實數粒如碧珠俚醫以治喉痛 按形似與圖經不類根味亦淡含之有氣一縷入喉微苦又一種也秋深實紅如丹與小青無異又名地楊梅



陰行草

陰行草產南安叢生莖硬有節褐黑色有微刺細葉花苞似小
罌上有歧瓣如金櫻子形而深綠開小黃花畧似豆花氣味苦
寒土人取治飽脹順氣化痰發諸毒湖南嶽麓亦有之土呼黃
花茵陳其莖葉頗似蒿故名花浸水黃如槐花治證同南安陰
行茵陳南言無別宋圖經謂茵陳有數種此又其一也滇南謂
之金鐘茵陳既肖其實形亦聞名易曉主利小便療胃中濕痰
熱發黃或眼仁發黃或周身黃腫與茵陳主療同其嫩葉綠脆
似亦可茹

直列在實同形

九頭師子草

三

山草卷之十



九頭師子草

九頭師子草產湖南嶽麓山坡間江西廬山亦有之叢生數十本爲族附莖對葉如鳳仙花葉稍闊色濃綠無齒莖有節如牛膝細根長鬚秋時梢頭節間先發兩片綠苞宛如榆錢大如指甲攢簇極密旋從苞中吐出兩瓣粉紅花如秋海棠而長上下大中有細紅鬚一二縷花落苞存就結實摘其莖插之卽活亦名接骨草俚醫以其根似細辛遂呼爲土細辛用以發表



杜根藤

杜根藤產湖南寶慶府山坡間狀與九頭師子草極相類唯獨莖多鬚鬚亦綠色開花亦如九頭師子草而只一瓣色白無苞



省頭草

省頭草生湖南寶慶府山谷中圓梗厚葉柔綠一色上有白粉
頗似蘄棍葉長二寸餘寬幾一寸本末俱尖瘦有疎齒梢葉小
不幾寸無齒赭根有短鬚甚細俚醫用之寶慶近稱其草名多
難深攷無由譯其省頭之義

葉下紅


五

山草卷之十



葉下紅

葉下紅產建昌一名小活血一名紅花草鋪地生頗似紫菀葉面青背紫碎紋粗澀如芥背微光滑長莖長葉土人取根葉搥數虵頭指按本草綱目葉下紅主飛絲入目腫痛同鹽少許絹包滴汁入目仍以塞鼻左塞右右塞左不詳其形狀殆同名也



闌骨草

闌骨草產湖南寶慶山阜鋪地生葉如初生芥菜葉而尖面青背白圓齒齊勻夏抽莖細莖開小白筍子花下垂結角子尤細俾醫用之

地麻風

三

山草卷之十



地麻風

地麻風生寶慶山中鋪地長莖莖色青赤葉似白菜面深綠背淡青葉有圓暈面凹背凸白脈數縷俚醫用之



赤脛散

赤脛散生寶慶山中黃根黑鬚紫莖有節似蓼有細白毛參差
生葉葉形宛似箭鏃邊緣內紫黑色紋赤俚醫用之滇南生者
尤長大開粉紅花如蓼土呼土竭力

直勿名實圖考

落地梅

竟

山草卷之十



落地梅

落地梅生湖南寶慶山阜叢生青莖紅節節葉對生梢葉攢聚
葉中發綠苞成簇細絲如鍼開碎白花花落苞黃經時不脫搓
之有細黑子俚醫用之




野百合

野百合建昌長沙洲渚間有之高不盈尺圓莖直韌葉如百合而細面青背微白枝梢開花先發長苞有黃毛蒙茸下垂苞坼花見似豆花而深紫俚醫以治肺風南昌西山亦有之或呼爲佛指甲

冬蟲夏草


卷

山草卷之十



冬蟲夏草

本草從新冬蟲夏草甘平保肺益腎止血化痰止勞嗽產雲貴
冬在土中身如老蠶有毛能動至夏則毛出土上連身俱化爲
草若不取至冬復化爲蟲 按此草兩廣多有之根如蠶葉似
初生茅草羊城中採以饌云鮮美蓋與啖禾蟲同



野雞草

野雞草江西湖南坡阜多有之長莖細葉如辟汗草秋時葉際
開小黃花如豆花而極小與葉相間宛如雉尾湖南謂之白馬
鞭石證與野辟汗草同蓋一種

植物名實圖考

野辟汗草

卷

山草卷之十



野辟汗草

野辟汗草產江西湖南山坡間一名趙公鞭初生獨莖似辟汗草附莖生葉三葉攢生長五六分亦能開合類雞眼草而大莖長尺許梢頭發一綠毬團如彈子漸次黃黑終不脫落莖上始生小枝枝上葉小如麥粒莖既柔弱毬復重欹附枝紛披宛欲低舞按本草拾遺無風獨搖草帶之令夫婦相愛生嶺南頭如彈子尾若鳥尾兩片開合見人自動故曰獨搖草土醫以祛邪熱形頗似之

茶條樹

山草卷之十



茶條樹

茶條樹江西湖廣山坡極多叢生高尺許赭莖近根有刺附莖對葉葉如郁李葉而短小梢端開五瓣小筍子花似芫花而白未開時作赭色筍子一簇百餘硬觚不甚鮮明夏開至秋深猶有之



長沙山坡有之莖對枝葉亦相當似繡毬花葉而小秋
時梢端結實長如小棗而扁生青熟紅



生長沙嶽麓莖葉如麻葉粗濇柄細長枝梢結實如算盤子淡綠有微毛一顆三粒相合

小丹參

卷之十

山草卷之十



小丹參

小丹參江湘滇皆有之葉似丹參而小花亦如丹參色淡紅一層五葩攢莖並翹唐錢起紫參歌序紫參五葩連萼狀飛鳥羽舉俗名五鳳花按形卽此而本草注但謂青穗蔥花亦有紅紫似水葒者無五葩之說殆詩人誤以丹爲紫耶



勁枝丹參

勁枝丹參與小丹參同而葉小排生花亦五葩並翹

滇白前

山草卷之十



滇白前

白前別錄已載諸家皆以根似細辛而粗直葉如柳如芫花陶
隱居以用蔓生者爲非是然按圖仍不得其形滇產根如沙參
輩初生直立漸長莖柔如蔓對葉亦微似柳莖葉俱綠葉亦輒
秋開花作長蒂似萬壽菊蒂端開五瓣銀褐花細碎如翦又有
一層小瓣內吐長鬚數縷枝繁花濃鋪地如綺滇本草瓦草一
名白前味苦辛性寒開關竅清肺熱利小便治熱淋主治亦指

類

滇龍膽草

四十一

山草卷之十



滇龍膽草

滇龍膽生雲南山中叢根族莖葉似柳微寬又似橘葉而小葉中發苞開花花如鐘形一一上聳茄紫色頗似沙參花五尖瓣而不反捲白心數點葉旣蒙密花亦繁聚逐層開舒經月未歇按形與圖經信陽襄州二種相類滇本草味苦性寒瀉肝經實火止喉痛治證俱同



甜遠志

讓遠志生雲南大華山獨根獨莖長葉疎齒馬志所謂似大青
而小者蓋卽此根如蒿根色黃長及一尺皆與圖經說符李時
珍分大葉小葉滇本草分苦甜苦卽小葉甜卽大葉耳補心血
足驚悸主治畧同但本經只言味苦滇本草苦遠志治證悉如
古方甜者僅云同雞煑食蓋苦能降甜惟滋補耳救荒本草圖
亦是小葉者夷門所產自是小草

滇銀柴胡

四

山草卷之十



滇銀柴胡

滇銀柴胡綠莖疎葉葉如初生小竹葉開碎黃花根大如指赭
黑色有微馨蓋卽本草所謂竹葉者前人謂銀柴胡以銀州得
名滇以韭葉者爲猴柴胡竹葉者爲銀柴胡相承如此亦未可
遽斥其妄

植物名實圖考

滇黃精

四三

山草卷之十



滇黃精

滇黃精根與湖南所產同而大重數斤俗以煨肉味如山藟莖肥色紫六七葉攢生作層初生皆上抱花生葉際四面下垂如瓔珞色青白老則赭黃此種與鉤吻極相類滇人以其葉不反卷芽不斜出爲辨按救荒本草鉤吻黃精莖不紫花不黃爲異今北產莖綠滇產莖紫又惡可以此爲別大抵北地少見鉤吻故皆言之不詳具見毒草類



蕲棍

蕲棍一名豆艾生廷昌高不及尺圓莖長葉白毛如粉葉厚而柔兩兩下垂惟直紋兩三縷亦不甚露上醫以治腫毒去風熱

面來刺

四
五

山
草
卷
之
十




面來刺

面來刺贛州山坡有之叢生硬莖赭色葉似榆葉三葉攢生中大旁小面濃綠黑紋背外緣內赭有刺如鍼或云可退煩熱通肢節



小二仙草

小二仙草生廬山叢生赤莖高四五寸小葉對生如初發榆葉
細齒粗紋兩兩排生故名



土升麻

土升麻湖北武昌有之綠莖如竹高四五尺無葉無枝僅有小
叉俚醫治痘疹用之以爲升提之藥故名 按李衍竹譜筍草
出湖北田野間叢生亦有籜葉一如竹筍漸長成竿高三五尺
亦如竹但無枝葉至秋乃死莊子所謂不筍者是也江淮之間
亦有之核其形狀卽此草也



鮎魚鬚

鮎魚鬚生建昌細莖如竹有節近根及梢皆紫色葉聚頂巔四面錯生如扁豆葉而團面緣背本白末淡綠赭根攢簇細長如魚鬚土醫以根治勞傷酒煎服

抱雞母

九

山草卷之十



抱雞母

抱雞母生廣信一名石竹根一名一洞仙柔莖下紫上綠莖上發苞如玉簪花苞中抽莖葉生莖端如竹葉而寬有直紋三縷面青背綠背紋稍多柄弱下垂薄葉偏反赭根圓長俚醫以治跌打及番疔痔



一掃光

一掃光生廣信獨莖高尺餘紅莖梢葉密攢葉如木樨葉而薄
柔面青背淡邊有軟刺土醫以治楊梅瘡毒

直
勿
不
實
則
考

大
二
仙
草

五

山
草
卷
之
十



大二仙草

大二仙草生廬山紫莖圓潤對節生枝長葉深齒面綠背淡近莖大葉下輒又二小葉對生葉尖內向故有二仙之名細根如絲色黑




元寶草

元寶草產建昌緒莖有節對葉附莖四面攢生如枸杞葉而圓
梢端開小黃花如槐米土人採治執證



海風絲

海風絲生廣信一名草蓮叢生橫根綠莖細如小竹初生葉如青蒿漸長細如茴香葉俚醫以治頭風利大小便



還魂丹

還魂丹生四川山中根如大蒜黑褐色葉似芎藭而更細密土醫云治跌打有起死之功亦極難得



四方麻

四方麻產衡山方莖叢生長葉如劉寄奴葉秋發長穗苞如粟粒開尖瓣小花色深紫黃鬚茸密盈條滿枝衡山俚醫用之